

LÆRINGSMÅL DENNE PERIODEN:	
Matematikk	<ul style="list-style-type: none">• Vita forskjell på kongruens og formlikskap• Bruka formlikskap til å berekna ukjende sider i ulike polygon• Bruka formlikskap til å løysa praktiske situasjonar.• Bruka likning i samband med problemløysing
Naturfag	<ul style="list-style-type: none">• Forklara korleis krefter verkar, og korleis dei overfører og gjer om energi• Rekna med fart, akselerasjon, krefter og energi
Spansk	Repetisjon av futurumsforma. Litt om juletradisjonar i Spania og Colombia Refleksive verb og å snakke om dagleg rutine på spansk Å snakke om været på spansk
Tysk	- kunna bruke tysk munnleg og skriftleg - repetisjon av nåtid, lære om framtid - snakke om tyske oppfinningar og kjende personar
Arbeidslivsfag	Delta i arbeidsfellesskap og løysa praktiske arbeidsoppdrag. Utvikla kompetanse ved å ta selvstendige val i arbeid
Kroppsøving	Trena på og utvikla ferdigheiter i innebandy. Opptre som ein god lagspelar
Musikk	Me er i avslutninga av filmmusikk-prosjektet. Deretter blir det notelære. Frå veke 4 blir det halve klassar i musikktime, og du skal lære deg å spele songar på piano eller gitar. Dersom du ikkje har presentert filmmusikken din, må du sørge for å vera klar med produktet ditt. Når me startar med notelære, må du lære deg C-dur-skalaen og forstå akkordar.
Kantine	Laga god og ernæringsriktig mat Halda god hygiene Jobba med rekneskap og plakatdesign Gjennomføra sal Hugs forkle og hårstrikk til alle kjøkkenøker
Design	Monotrykk; kunna bruke eigna design- og handverksteknikkar og verktøy til å forma ut produkt i ulike materiale.

INFORMASJON TIL HEIMEN

Ny trinnleiar

I veke 51 begynner Morten Finsberg som ny trinnleiar på 9.trinn. Han har vore avdelingsleiar på skulen i 3 år, men har hatt foreldrepermisjon denne hausten. Han skal ha 40% permisjon fram til sommaren òg, derfor er han berre på jobb måndag, tysdag og onsdag. Har dokke behov for å kontakta leiinga utanom det kan dokke ta kontakt med rektor.

Temaveke

Elevrådet arrangerer temaveke i veke 51, der elevar og vaksne skal kle seg ut etter ulike tema kvar dag. Det er frivillig og delta, men me oppfordrer om å vera med. Det blir premie til beste klasse, der premien er klassetur for å spela paddletennis.

Temadagane er slik:

Måndag: fotballdrakt

Tysdag: rosa

Onsdag: galla (fine klede)

Torsdag: gender switch

Fredag: pysj

Leksefri

Det er leksefri denne veka! Sjekk likevel måla om det er informasjon du må få med deg.

Kantina veke 51

Det blir ikkje sal av mat i kantina i veke 51 og 1, berre meieriprodukt så lenge me har meir varer igjen. Elevane må ha med seg matpakke desse dagane.

Siste skuledag før jul

Fredag 20.desember er siste skuledag før juleferien. Skuledagen sluttar til vanleg tid. Det er lov å ha med seg litt ekstra godt i matpakken denne dagen, og ei lita brus (energidrikk er framleis ikkje lov).

Planleggingsdag og første skuledag etter jul

Lærarane har planleggingsdag 2.januar. Elevane har då fri. Første skuledag etter jul er 3.januar, så det blir ei kort veke.

Fagdag 16. Januar

På fagdagen skal elevane velje tre utdanningsprogram dei skal få 25 minutt foredrag om. Deretter skal dei setje opp kva utdanningsprogram dei ønskjer å fordjupa seg i når me kjem til utdanningsval-veka i veke 17. Då skal dei mellom anna hospitera på eit utdanningsprogram i vidaregåande skule ein heil dag, i tillegg til arbeidspraksis som er relevant i høve til utdanningsprogrammet dei fordjupar seg i.

Terminslutt

17.januar er 1.termin slutt, og elevane får halvårsvurdering med og utan karakter.

Me ønsker alle ein god juleferie!

Helsing oss på 9.trinn